



REPUBLIKA E SHQIPËRISË
BORDI I MBIKËQYRJES PUBLIKE

Komisioni i Provimeve të Aftësive Profesionale njofton të gjithë kandidatët e interesuar për marrjen e titullit Auditues Ligjor dhe Kontabilist i Miratuar, se kërkesat për regjistrimin në provimet e aftësive profesionale të sezonit të ri do të pranohen në datat 27 Mars- 30 Prill 2024, ora 09:00 -16:00 në sekretarinë teknike pranë organizatës profesionale, IEKA.

Për kandidatët të cilët do të regjistrohen për provimet për AL dhe KM për sezonin e ri duhet të plotësohen kriteret në vijim:

I. KANDIDATËT PËR AUDITUES LIGJORË (AL) duhet të paraqesin:

1. Kërkesën me shkrim drejtuar Komisionit të Provimeve të Aftësisë Profesionale, ku të listohen dokumentet e paraqitura (një kopje fizike ose elektronike e kërkesës dorëzohet pranë BMP);
2. Fotokopje të Kartës së identitetit;
3. Kopje të certifikatës të kryerjes ose vendimit të përjashtimit nga praktika profesionale të lëshuar nga IEKA ose Bordi i Mbikëqyrjes Publike; (Në rastet kur kandidati është në proces të vendimmarrjes së përjashtimit, ky vërtetim mund të dorëzohet deri në 3 ditë para provimit të parë);
4. Personat që nuk plotësojnë pikën 3 më sipër, duhet të marrin një vërtetim të lëshuar nga IEKA për kalimin me sukses të testeve të parashikuara në programin e përgatitjes profesionale sipas nenit 18, të ligjit nr. 10091, datë 05.03.2009 “Për auditimin ligjor, organizimin e profesionit të audituesit ligjor dhe të kontabilistit të miratuar”, të ndryshuar, si dhe kryerjen e gjysmës së praktikës profesionale;
5. Personat që kanë marrë titullin ACCA ose CPA në një shtet tjetër, pas dorëzimit të kopjes së diplomës/certifikatës së titullit të noterizuar me vulë apostile dhe letrës për gjendjen e anëtarësisë, duhet të jenë të vlerësuar sipas kuadrit ligjor rregullator të zbatueshëm, për përjashtimin nga dhënia disa provimeve profesionale;
6. Fotokopje të noterizuar të diplomës ku të ketë përfunduar, të paktën, studimet universitare të ciklit të dytë në nivelin “Master”, ose të zotërojë diplomë universitare të ekuivalentuar ose ekuivalente me këtë nivel për çdonjërin nga degët e studimit në shkencat ekonomike, si kontabilitet, financë, administrim biznesi, ekonomiks apo të barasvlershme me to;
7. Dëshmi të gjendjes personale gjyqësore (dëshmi penaliteti, vërtetim të gjendjes gjyqësore nga gjykata dhe prokuroria e rrethit) të 3 muajve të fundit (në mungesë të këtyre plotësohet formulari i vetë deklarimit, deri në sigurimin e dokumentacionit mbi gjendjen gjyqësore). Mosdorëzimi i vërtetimeve të gjendjes personale gjyqësore (si më lart përcaktuar), në momentin e marrjes së dëshmisë që tregon përfundimin me sukses të provimeve përkatëse të organizuara nga KPAP atëherë kjo dëshmi nuk mund të lëshohet dhe përbën rrethana papajtueshmërie me nenin 26 pika 1 germa b) paragrafi i);
8. Dokument bankar për kryerjen e pagesës së tarifës së regjistrimit.

II. KANDIDATËT PËR KONTABILIST TË MIRATUAR (KM) duhet të paraqesin:

1. Kërkesën me shkrim drejtuar Komisionit të Provimeve të Aftësisë Profesionale, ku të listohen dokumentet e paraqitura (një kopje fizike ose elektronike e kërkesës dorëzohet pranë BMP);
2. Fotokopje të Kartës së identitetit;
3. Fotokopje të noterizuar të diplomës ku të ketë përfunduar, të paktën, studimet universitare të ciklit të dytë në nivelin “Master”, ose të zotërojë diplomë universitare të ekuivalentuar ose ekuivalente me këtë nivel për çdonjërin nga degët e studimit në shkencat ekonomike, si kontabilitet, financë, administrim biznesi, ekonomiks apo të barasvlershme me to;
4. Vërtetim se ka të paktën tre vite përvojë profesionale në fushën e kontabilitetit, të financës, kontrollit financiar dhe në fusha të ngjashme. Si vërtetim mund të shërbejnë fotokopje e noterizuar e librezës së punës, ose vërtetim nga sigurimet shoqërorë për gjendjen e sigurimit shoqëror e shëndetësor, ose vërtetime të tjera të cilat provojnë kriterin ligjor të përvojës në punë;
5. Vërtetime ose certifikata, ose fotokopje të noterizuara të tyre, që tregojnë se kandidati ka kryer kursin e kualifikimit në fushën e standardeve kombëtare dhe ndërkombëtare të kontabilitetit dhe raportimit financiar, të organizuar ose të monitoruar nga organizata profesionale e kontabilistëve të miratuar, në të cilën individit dëshiron të anëtarësohet. Këto dokumente, për efekt regjistrimi janë të vlefshme nga momenti i lëshimit, me përjashtim të rastit kur kanë ndodhur ndryshime thelbësore të këtyre standardeve, sipas legjislacionit në fuqi. (Në rastet kur kandidati është në proces të kryerjes së këtij kualifikimi, ky vërtetim mund të dorëzohet deri në 5 ditë para provimit të parë);
6. Dëshmi të gjendjes personale gjyqësore (dëshmi penaliteti, vërtetim të gjendjes gjyqësore nga gjykata dhe prokuroria e rrethit) të 3 muajve të fundit (në mungesë të këtyre plotësohet formulari i vetë deklarimit, deri në sigurimin e dokumentacionit mbi gjendjen gjyqësore). Mosdorëzimi i vërtetimeve të gjendjes personale gjyqësore (si më lart përcaktuar), në momentin e marrjes së dëshmisë që tregon përfundimin me sukses të provimeve përkatëse të organizuara nga KPAP atëherë kjo dëshmi nuk mund të lëshohet;
7. Dokument bankar për kryerjen e pagesës së tarifës së regjistrimit.

SHËNIM:

- a. Përveç dokumenteve të dorëzuar sipas pikave përkatëse më sipër, kandidatët duhet të dorëzojnë një kopje të kërkesës ku janë të listuar të gjitha dokumentet e dorëzuar, si dhe dokumentin bankar që vërteton kryerjen e pagesës pranë strukturës mbështetëse të Bordit të Mbikëqyrjes Publike (Rr. "Ismail Qemali", Ndërtesa nr. 22, Hyrja 4, Apartamenti nr. 24, Tiranë);
- b. Afati i kryerjes së pagesës për secilin provim do të jetë deri 3 ditë përpara se kandidatët të hyjnë në provimin përkatës. Dokumenti bankar që vërteton kryerjen e pagesës, dorëzohet në kopje fizike ose elektronike (të skanuar) pranë strukturës mbështetëse të Bordit të Mbikëqyrjes Publike (info@bmp.al);
- c. Kërkesat për provimet e aftësisë profesionale për kandidatët për AL dhe KM, për provimet e sezonit të ri do të pranohen në sekretarinë teknike pranë organizatës profesionale, IEKA;
- d. Periudha e dorëzimit të dokumenteve së bashku me pagesën e regjistrimit do të jetë nga data 27 Mars- 30 Prill 2024 ora 09:00 -16:00;
- e. Të gjithë kandidatët për AL dhe KM kanë të drejtën të aplikojnë për t'u regjistruar në secilin prej tre provimeve të para, pavarësisht rezultatit të provimit paraardhës. Gjithashtu, kandidatët për AL nëse kanë mbyllur me sukses provimet e mësipërme kanë të drejtën të futen në secilin nga provimet pasardhëse.

PAGESA DO TË BËHET NË BANKËN KOMBËTARE TREGTARE BKT

Emërtimi: Bordi i Mbikëqyrjes Publike

Nr. i llogarisë: 434003100

IBAN: AL4520511344003100CLOTCLALLI

Përshkrimi: Tarifë regjistrimi në provimet KM

Shuma: 10,000 lekë

Përshkrimi: Tarifë regjistrimi në provimet AL

Shuma: 12,000 lekë

Përshkrimi: Tarifë për provimin për KM [Emërtimi i provimit]

Shuma: 25,000 lekë (për secilin provim)

Përshkrimi: Tarifë për provimin për AL [Emërtimi i provimit]

Shuma: 30,000 lekë (për secilin provim)

***Shënim:** Tarifat e regjistrimit të arkëtuara janë të pakthyeshme. Kandidatët që kanë kryer pagesat për secilin provim dhe për arsye të ndryshme nuk janë paraqitur në testim, pagesa i njihet vetëm për sezonin e menjëhershëm pasardhës.